

## REGLUGERÐ FRAMKVÆMDASTJÓRNARINNAR (EB) nr. 722/2007

2011/EES/59/36

frá 25. júní 2007

um breytingu á II., V., VI., VII., IX. og XI. viðauka við reglugerð Evrópuþingsins og ráðsins (EB) nr. 999/2001 um setningu reglna um forvarnir gegn, eftirlit með og útrýmingu tiltekinna tegunda smitandi heilahrönnunar (\*)

FRAMKVÆMDASTJÓRN EVRÓPUBANDALAGANNA  
HEFUR,

löndum niður í þrjá flokka út frá áhættu í tengslum við kúariðu.

með hliðsjón af stofnsáttmála Evrópubandalagsins,

- 5) Reglugerð (EB) nr. 999/2007 var breytt með reglugerð (EB) nr. 1923/2006 í þeim tilgangi að innleiða nýja einfaldaða flokkunarkerfið í löggjöf Bandalagsins. Í kjölfar þessara breytinga skal breyta II., V. og IX. viðauka við reglugerð (EB) nr. 999/2001 þannig að tekið sé mið af nýja flokkunarkerfinu.

með hliðsjón af reglugerð Evrópuþingsins og ráðsins (EB) nr. 999/2001 frá 22. maí 2001 um setningu reglna um forvarnir gegn, eftirlit með og útrýmingu tiltekinna tegunda smitandi heilahrönnunar <sup>(1)</sup>, einkum 23. gr.,

og að teknu tilliti til eftirfarandi:

- 1) Í reglugerð (EB) nr. 999/2001 eru settar reglur um forvarnir gegn, eftirlit með og útrýmingu smitandi heilahrönnunarsjúkdóma í dýrum. Hún gildir um framleiðslu lifandi dýra og afurða úr dýraríkinu og útflutning þeirra.
- 2) Í 5. gr. reglugerðar (EB) nr. 999/2007 er kveðið á um að staða aðildarríkja eða þriðju landa eða svæða innan þeirra (lönd eða svæði) með tilliti til kúariðu skuli ákvörðuð með því að flokka þau í einn af þremur flokkum eftir áhættu í tengslum við kúariðu. Í II. viðauka þeirrar reglugerðar er mælt fyrir um reglur til að ákvarða stöðu landa eða svæða með tilliti til kúariðu. Í 5. gr. þeirrar reglugerðar er einnig kveðið á um að eftir að Alþjóðadýraheilbrigðisstofnunin (OIE) hefur ákveðið aðferð við röðun landa í flokka skuli endurmeta niðurröðun Bandalagsins á löndum í flokka.
- 3) Í V. viðauka við reglugerð (EB) nr. 999/2001 er mælt fyrir um setningu þeirra á markað og, í tilteknum sértilvikum, um ú reglur um söfnun og förgun á sérstöku áhættuefni og í IX. viðauka við þá reglugerð er mælt fyrir um reglur um innflutning til Bandalagsins á lifandi dýrum, fósturvísimum, eggjum og afurðum úr dýraríkinu.
- 4) Á aðalfundi Alþjóðadýraheilbrigðisstofnunarinnar í maí 2005 var samþykkt ný og einfölduð aðferð við að raða

- 6) Þar sem ákvörðun um niðurröðun landa í samræmi við 2. eða 4. mgr. 5 gr. reglugerðar (EB) nr. 999/2001 lá ekki fyrir giltu ákvæði 9. gr. og VI. viðauka ekki. Í ljósi þess að nýja flokkunarkerfið á að gilda frá 1. júlí 2007 og til að laga þennan viðauka að þeim reglum, sem gilda samkvæmt bráðabirgðaráðstöfunum sem gerðar eru á grundvelli vísindalegra gagna og með þeim breytingum sem gerðar eru á greinunum, skal breyta VI. viðauka.
- 7) Í VIII. viðauka við reglugerð (EB) nr. 999/2001 er mælt fyrir um skilyrði er varða setningu á markað og útflutning á lifandi dýrum, sæði þeirra, fósturvísimum, eggjum og afurðum úr dýraríkinu. Í kafla C í þeim viðauka er mælt fyrir um skilyrði fyrir viðskiptum innan Bandalagsins með tilteknar afurðir úr dýraríkinu. Breyta ber þessum skilyrðum þannig að tekið sé mið af nýja flokkunarkerfinu.
- 8) Í 5. lið D-hluta í XI. viðauka við reglugerð (EB) nr. 999/2001 er mælt fyrir um ráðstafanir sem varða viðskipti innan Bandalagsins með nautgripi sem eru fæddir eða aldir í Breska konungsríkinu fyrir 1. ágúst 1996 og innflutning kjötafurða af hjartardýrum inn í Bandalagið. Til að vernda heilbrigði manna og dýra skulu þessi ákvæði gilda áfram eftir 1. júlí 2007.
- 9) Til glöggvunar og samræmingar skal í VIII. viðauka mæla fyrir um ákvæði sem varða viðskipti með nautgripi sem eru fæddir eða aldir í Breska konungsríkinu fyrir 1. ágúst 1996 og útflutning á þeim til þriðju landa og mæla skal fyrir um ákvæði sem varða innflutning á kjöti af hjartardýrum í IX. viðauka.

(\*) Þessi EB-gerð birtist í Stjtið. ESB L 164, 26.6.2007, bls. 7. Hennar var getið í ákvörðun sameiginlegu EES-nefndarinnar nr. 95/2008 frá 26. september 2008 um breytingu á I. viðauka (Heilbrigði dýra og plantna) við EES-samninginn, sjá EES-viðbæti við Stjórnartíðindi Evrópusambandsins nr. 70, 20.11.2008, p. 1.

(1) Stjtið. EB L 147, 31.5.2001, bls. 1. Reglugerðinni var síðast breytt með reglugerð (EB) nr. 1923/2006 (Stjtið. ESB L 404, 30.12.2006, bls. 1).

- 10) Bráðabirgðaráðstafanir, sem varða sérstakt áhættuefni í XI. viðauka við reglugerð (EB) nr. 999/2001, falla úr gildi, að því er varðar hvert land eða svæði, um leið og ákvörðun um flokkun þess lands eða svæðis verður samþykkt. Því skal fella XI. viðauka úr gildi.
- 11) Því ber að breyta reglugerð (EB) nr. 999/2001 til samræmis við það.
- 12) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um matvælaferlið og heilbrigði dýra.
- SAMÞYKKT REGLUGERÐ ÞESSA:
- 1. gr.*
- Ákvæðum II., V., VI., VIII., IX. og IX. viðauka við reglugerð (EB) nr. 999/2001 er breytt í samræmi við viðaukann við þessa reglugerð.
- 2. gr.*
- Reglugerð þessi öðlast gildi á þriðja degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 25. júní 2007.

*Fyrir hönd framkvæmdastjórnarinnar,*

Markos KYPRIANOU

*framkvæmdastjóri.*

## VIÐAUKI

Ákvæðum II., V., VI., VIII., IX. og XI. viðauka við reglugerð (EB) nr. 999/2001 er breytt sem hér segir:

- 1) Í stað II. viðauka við reglugerð (EB) nr. 999/2001 komi eftirfarandi:

## „II. VIÐAUKI

## ÁKVÖRÐUN Á STÖÐU MEÐ TILLITI TIL KÚARIÐU

## KAFLI A

## Viðmiðanir

Ákvarða skal stöðu aðildarríkis eða þriðja lands eða einstakra svæða þeirra (hér á eftir nefnt „land eða svæði“) með tilliti til kúariðu á grundvelli viðmiðana sem eru sett fram í a- til e-lið.

Í landinu eða á svæðinu:

- a) fari fram áhættugreining í samræmi við ákvæði kafla B sem tekur til allra þátta sem varða uppkomu kúariðu í landinu eða á svæðinu og einnig frá sögulegu sjónarmiði,
- b) er fyrir hendi samfelld eftirlits- og vöktunarkerfi vegna kúariðu sem varða einkum þá áhættu sem lýst er í B kafla og uppfylla lágmarkskröfur um eftirlit sem settar eru fram í D kafla,
- c) er fyrir hendi samfelld áætlun til að auka vitund dýralækna, bænda og starfsmanna sem starfa við flutning, sölu og slátrun nautgripa til að stuðla að því að tilkynnt sé um öll tilvik þar sem klínísk einkenni kúariðu koma fram hjá hlutþýðum í markhópum eins og skilgreint er í D kafla þessa viðauka,
- d) er skylt að tilkynna um og rannsaka alla nautgripi sem sýna klínísk einkenni kúariðu,
- e) skulu rannsóknir á heila eða öðrum vefjum, sem er safnað innan ramma áætlunar um eftirlit og vöktun sem um getur í b-lið, fara fram á viðurkenndri rannsóknarstofu.

## KAFLI B

## Áhættugreining

## 1. Skipulag áhættugreiningar

Áhættugreiningar skulu ná yfir mat á áhættunni á því að smit komi upp og mat á útbreiðslu smitsins.

## 2. Mat á hættunni á því að smit berist (utanaðkomandi áreiti)

- 2.1. Mat á hættunni á því að smit komi upp skal samanstanda af mati á líkum á því að smitefni kúariðu hafi annaðhvort borist til landsins eða svæðisins fyrir milligöngu vara sem gætu verið mengaðar af smitefni kúariðu eða að smit sé nú þegar til staðar í landinu eða á svæðinu.

Hafa skal eftirfarandi áhættuþætti í huga:

- a) hvort smitefni kúariðu er til staðar eða ekki í landinu eða á svæðinu og ef smitefnið er til staðar skal meta algengi á grundvelli niðurstaðna úr eftirliti,
- b) framleiðslu á kjöti- og beinamjöli eða hömsum úr innlendum jörturdýrastofnum,
- c) innflutt kjöt- og beinamjöl eða hamsa,
- d) innflutta nautgripi, sauðfé og geitur,
- e) innflutt dýrafóður og innihaldsefni fôðurs,

- f) innfluttar vörur úr jörturdýrum til mannelis sem kunna að hafa innihaldið vefi sem eru tilgreindir í 1. lið V. viðauka og kunna að vera notaðir í nautgripafóður,
  - g) innfluttar vörur úr jörturdýrum til notkunar í lífi vegna nautgripa.
- 2.2. Huga þarf að sérstökum útrýmingarráðstöfunum, eftirliti og öðrum faraldsfræðirannsóknnum (einkum eftirliti með kúariðu í nautgripastofnum) sem varða þá áhættuþætti sem tilgreindir eru í lið 2.1 þegar framkvæmt er mat á hættunni á því að smit komi upp.

### 3. Mat á útbreiðslu smitsins

Mat á útbreiðslu smitsins skal felast í því að meta líkurnar á að smitefni kúariðu berist í nautgripi, með því að taka mið af eftirfarandi þáttum:

- a) endurvinnsla og mögnun á smitefni kúariðu með fýðrun nautgripa á kjöt- og beinamjöli eða hömsum úr jörturdýrum eða fýðri eða öðrum innihaldsefnum fýðurs sem gætu verið menguð af smitefninu,
- b) notkun skrokka af jörturdýrum (þ.m.t. sjálfdaud dýr), aukaafurða og sláturhúsaúrgangs, vinnslubreytna við bræðsluferli og framleiðsluaðferðum við dýrafóður,
- c) hvort jörturdýr eru fýðruð á kjöt- og beinamjöli og hömsum úr jörturdýrum eða ekki, þ.m.t. ráðstafanir til að koma í veg fyrir víxlmengun dýrafóðurs,
- d) umfangi eftirlits með smitefni kúariðu í nautgripastofnum fram að þessu og niðurstöður þess eftirlits.

## KAFLI C

### Skilgreining á flokkum

#### I. LAND EÐA SVÆÐI ÞAR SEM ÁHÆTTA Í TENGLUM VIÐ KÚARIÐU ER ÓVERULEG

Land eða svæði:

- 1) þar sem áhættugreining, í samræmi við kafla B, hefur verið framkvæmd til að greina fyrri áhættuþætti og núverandi áhættuþætti,
- 2) þar sem sýnt hefur verið fram á að gerðar hafa verið viðeigandi, sérstakar ráðstafanir fyrir viðkomandi tímabil, sem er skilgreint hér á eftir, til að hafa stjórn á allri áhættu sem hefur verið staðfest,
- 3) þar sem sýnt hefur verið fram á að fyrir hendi er eftirlit af tegund B, í samræmi við kafla D, og að viðeigandi markmið um stigagjöf (e. points target) í samræmi við töflu 2 hefur náðst og
- 4) sem er:
  - a) annaðhvort, við eftirfarandi aðstæður:
    - i. í landinu eða á svæðinu hefur ekkert kúariðutilvik komið upp eða sýnt hefur verið fram á að öll kúariðutilvik stafa af innflutningi og þeim verið eytt algerlega,
    - ii. viðmiðanirnar í c-, d- og e-lið í kafla A í þessum viðauka hafa verið uppfylltar í sjö ár hið minnsta og
    - iii. sýnt hefur verið fram á með viðeigandi eftirliti og úttektum að í a.m.k. átta ár hafa jörturdýr hvorki verið fýðruð með kjöt- og beinamjöli né hömsum úr jörturdýrum,

- b) eða, við eftirfarandi aðstæður:
- i. í landinu eða á svæðinu hafa komið upp eitt eða fleiri tilvik innlendrar kúariðu en hvert tilvik innlendrar kúariðu kom upp hjá dýri sem var fætt fyrir meira en 11 árum,
  - ii. viðmiðanirnar í c-, d- og e-lið í kafla A í hafa verið uppfylltar í sjö ár hið minnsta,
  - iii. sýnt hefur verið fram á með viðeigandi eftirliti og úttektum að í a.m.k. átta ár hafa jörturdýr hvorki verið fódruð með kjöt- og beinamjöli né hömsum úr jörturdýrum,
  - iv. eftirfarandi dýr, ef þau eru á lífi í landinu eða á svæðinu, eru auðkennd á varanlegan hátt og flutningum á þeim stýrt og þegar dýrunum er slátrað eða þau drepast er þeim eytt algerlega:
    - öll kúariðutilvik,
    - allir nautgripir sem á fyrsta æviári sínu voru aldir með nautgripum með kúariðu og sem rannsókn sýndi að átu sama fóður, sem hugsanlega var mengað á þeim tíma, eða
    - ef niðurstöður rannsóknarinnar, sem um getur í öðrum undirlið, eru ófullnægjandi, allir nautgripir sem eru fæddir í sömu hjörð og sýktu dýrin, innan við tólf mánuðum eftir burð þeirra.

## II. LAND EÐA SVÆÐI ÞAR SEM ÁHÆTTU Í TENGLUM VIÐ KÚARIÐU ER HALDIÐ Í SKEFJUM

Land eða svæði:

- 1) þar sem áhættumat, sem byggir á upplýsingum sem mælt er fyrir um í kafla B, hefur verið framkvæmt til að greina fyrri áhættuþætti og núverandi áhættuþætti,
- 2) þar sem sýnt hefur verið fram á að gerðar hafa verið viðeigandi ráðstafanir til að stjórna öllum þekktum hættum en þeim ráðstöfunum hefur ekki verið beitt á viðkomandi tímabili,
- 3) þar sem sýnt hefur verið fram á að fyrir hendi sé eftirlit af tegund A, í samræmi við kafla D, og að viðeigandi markmið um stigagjöf, í samræmi við töflu 2, hafi náðst. Heimilt er að láta eftirlit af tegund B koma í stað eftirlits af tegund A uns viðeigandi markmið um stigagjöf hefur náðst og
- 4) sem er:
  - a) annaðhvort, við eftirfarandi aðstæður:
    - i. í landinu eða á svæðinu hefur ekkert kúariðutilvik komið upp eða sýnt hefur verið fram á að öll kúariðutilvik stafa af innflutningi og þeim verið eytt algerlega, viðmiðanirnar í c-, d- og e-lið í kafla A hafa verið uppfylltar og sýnt hefur verið fram á með viðeigandi eftirliti og úttektum að jörturdýr hafi hvorki verið fódruð með kjöt- og beinamjöli né hömsum úr jörturdýrum,
    - ii. viðmiðanirnar í c- til e-lið í kafla A í þessum viðauka hafa verið uppfylltar í sjö ár hið minnsta og/eða
    - iii. þar sem ekki er hægt að sýna fram á að eftirlit með fódrun jörturdýra á kjöt- og beinamjöli og hömsum úr jörturdýrum hafi verið framfylgt í átta ár hið minnsta,
  - b) eða, við eftirfarandi aðstæður:
    - i. í landinu eða á svæðinu hefur komið upp tilvik innlendrar kúariðu, viðmiðanirnar í c-, d- og e-lið í kafla A hafa verið uppfylltar og sýnt hefur verið fram á með viðeigandi eftirliti og úttektum að jörturdýr hafi hvorki verið fódruð með kjöt- og beinamjöli né hömsum úr jörturdýrum,

- ii. viðmiðanirnar í c- til e-lið í kafla A í þessum viðauka hafa verið uppfylltar í styttri tíma en sjö ár og/eða
- iii. ekki er unnt að sýna fram á að eftirlit með föðrun jörturdýra á kjöt- og beinamjöli og hömsum úr jörturdýrum hafi verið fyrir hendi í átta ár hið minnsta,
- iv. eftirfarandi dýr, ef þau eru á lífi í landinu eða á svæðinu, eru auðkennd á varanlegan hátt og eftirlit haft með flutningi á þeim og þegar dýrunum er slátrað eða þau drepast er þeim eytt algerlega og
  - öll kúariðutilvik og
  - allir nautgripir sem á fyrsta æviári sínu voru aldir með nautgripum með kúariðu og sem rannsókn sýndi að átu sama föður, sem hugsanlega var mengað á þeim tíma, eða
  - ef niðurstöður rannsóknarinnar, sem um getur í öðrum undirlit, eru ófullnægjandi, allir nautgripir sem eru fæddir í sömu hjörð og sýktu dýrin innan við tólf mánuðum eftir burð þeirra.

### III. LÖND EÐA SVÆÐI ÞAR SEM ÁHÆTTA Í TENGLUM VIÐ KÚARIÐU ER ÓSKILGREIND

Land eða svæði þar sem greiningu á áhættu í tengslum við kúariðu er ekki lokið eða sem uppfyllir ekki þau skilyrði sem land eða svæði þarf að uppfylla til að flokkast í einn af hinum flokkunum.

#### KAFLI D

#### Lágmarkskröfur um eftirlit

##### 1. Tegund eftirlits

Í þessum viðauka er merking eftirfarandi hugtaka sem hér segir:

###### a) *Eftirlit af tegund A*

Með því að beita eftirliti af tegund A verður hægt að greina, með 95% öryggi, kúariðu í landinu eða á svæðinu sem um ræðir með tilgátualgengi (e. design prevalence) <sup>(1)</sup> sem er a.m.k. eitt tilvik á hver 100 000 fullorðin dýr í nautgripastofninum.

###### b) *Eftirlit af tegund B*

Með því að beita eftirliti af tegund B verður hægt að greina, með 95% öryggi, kúariðu í landinu eða á svæðinu sem um ræðir með tilgátualgengi sem er a.m.k. eitt tilvik á hver 50 000 fullorðin dýr í nautgripastofninum.

Lönd eða svæði þar sem áhætta í tengslum við kúariðu er óveruleg geta framkvæmt eftirlit af tegund B til að staðfesta niðurstöður áhættugreiningar, t.d. með því að sýna fram á skilvirkni ráðstafana til að bæta úr hvers kyns áhættuþáttum sem hafa komið í ljós, með eftirliti sem beinist að því að hámarka líkur á að greina galla við slíkar ráðstafanir.

Lönd eða svæði þar sem áhættu í tengslum við kúariðu er haldið í skefjum geta einnig framkvæmt eftirlit af tegund B, eftir að viðeigandi markmið um stigagjöf hefur náðst með eftirliti af gerð A, til að viðhalda tiltrú á þeirri þekkingu sem hefur fengist með notkun eftirlits af tegund A.

Í þessum viðauka eru skilgreindir eftirfarandi fjórir undirflokkar nautgripa vegna eftirlits:

- a) nautgripir sem eru eldri en 30 mánaða og sýna atferlisfræðileg einkenni eða klínísk einkenni kúariðu (meint klínísk tilvik),

<sup>(1)</sup> Tilgátualgengi er notað til að ákvarða stærð yfirlitskönnunar, gefið upp sem markmið um stigagjöf. Ef raunverulegt algengi er meira en valið tilgátualgengi eru miklar líkur á því að sjúkdómurinn greinist með könnun.

- b) nautgripir sem eru eldri en 30 mánaða og eru ekki gangfærir, útafliggjandi, geta ekki risið upp eða gengið án aðstoðar, nautgripir sem eru eldri en 30 mánaða og eru sendir til neyðarslátrunar eða sýna óeðlileg einkenni við skoðun fyrir slátrun (neyðarslátrun),
- c) nautgripir sem eru eldri en 30 mánaða og finnast dauðir eða eru aflífaðir á bújörð meðan á flutningi stendur eða á slátruhúsi (sjálfdaud dýr),
- d) nautgripir sem eru eldri en 36 mánaða við venjubundna slátrun.

## 2. Eftirlitsáætlun

- 2.1. Eftirlitsáætlunin skal útfærð þannig að tryggt sé að sýni séu dæmigerð fyrir stofninn í landinu eða á svæðinu og þar skal tekið tillit til lýðfræðilegra þátta, s.s. framleiðslutegundar og landfræðilegrar staðsetningar, og hugsanlegra áhrifa sem rekja má til búskaparvenja sem eru einstæðar í menningarlegu tilliti. Aðferðin sem er notuð og þær ályktanir sem dregnar eru skulu skráð ítarlega og skjólin geymd í sjö ár.
- 2.2. Til að koma eftirlitsáætlun fyrir kúariðu til framkvæmdar skal land nota skjalfestar skrár eða áreiðanlegt mat á aldursdreifingu í stofni fullorðinna nautgripa sem hafa verið prófaðir vegna kúariðu, lagskipt eftir aldri og eftir undirhóp innan landsins eða svæðisins.

## 3. Stigagildi og markmið um stigagjöf

Eftirlitssýni þurfa að uppfylla það markmið um stigagjöf sem er tilgreint í töflu 2 á grundvelli stigagilda sem eru fastsett í töflu 1. Öll dýr, sem grunur leikur á að séu sýkt, skal rannsaka án tillits til heildarstigafjölda. Hvert land skal taka sýni úr a.m.k. þremur af fjórum undirhópum. Heildarstigum fyrir sýni, sem hafa verið tekin, skal safnað yfir tímabil sem er að hámarki sjö ár samfellt til að ná markmiði um stigafjölda. Uppsöfnuð heildarstig skal bera reglulega saman við markmið um stigafjölda fyrir það land eða svæði.

Tafla 1

### Eftirlitsstigagildi fyrir sýni sem er safnað úr dýrum í tilteknum undirhópi og aldursflokki

Eftirlit með undirhópi			
Venjubundin slátrun <sup>(1)</sup>	Sjálfdaud dýr <sup>(2)</sup>	Neyðarslátrun <sup>(3)</sup>	Klínískur grunur <sup>(4)</sup>
Aldur ≥ 1 árs og < 2 ára			
0,01	0,2	0,4	Á ekki við
Aldur ≥ 2. ára og < 4 ára (ung fullorðin dýr)			
0,1	0,2	0,4	260
Aldur ≥ 4 ára og < 7 ára (fullorðin dýr)			
0,2	0,9	1,6	750
Aldur ≥ 7 ára og < 9 ára (eldri fullorðin dýr)			
0,1	0,4	0,7	220
Aldur ≥ 9 ára (gömul dýr)			
0,0	0,1	0,2	45

<sup>(1)</sup> Nautgripir sem eru eldri en 36 mánaða við venjubundna slátrun.

<sup>(2)</sup> Nautgripir sem eru eldri en 30 mánaða gamlir og finnast dauðir eða eru aflífaðir á bújörð meðan á flutningi stendur eða á slátruhúsi (sjálfdaud dýr).

<sup>(3)</sup> Nautgripir sem eru eldri en 30 mánaða og eru ekki gangfærir, útafliggjandi, geta ekki risið upp eða gengið án aðstoðar, nautgripir sem eru eldri en 30 mánaða og eru sendir til neyðarslátrunar eða ef óeðlileg einkenni koma í ljós við skoðun fyrir slátrun (neyðarslátrun).

<sup>(4)</sup> Nautgripir sem eru eldri en 30 mánaða og sýna atferlisfræðileg einkenni eða klínísk einkenni kúariðu (meint klínísk tilvik).

Tafla 2

**Markmið um stigagjöf fyrir mismunandi stofnstærðir í nautgripastofni fullorðinna dýra í landi eða á svæði**

Markmið um stigagjöf fyrir lönd eða svæði		
Stofnstærð hjá fullorðnum nautgripum (24 mánaða og eldri)	Eftirlit af tegund A	Eftirlit af tegund B
≥ 1000000	300000	150000
800000-1000000	240000	120000
600000-800000	180000	90000
400000-600000	120000	60000
200000-400000	60000	30000
100000-200000	30000	15000
50000-100000	15000	7500
25000-50000	7500	3750

**4. Sérstök markmið**

Innan hvers undirhóps hér að framan, í landi eða á svæði, er landi heimilt að beina athyglinni að nautgripum sem eru innfluttir frá löndum eða svæðum þar sem kúariða hefur greinst og nautgripum sem hafa étið fôður, sem hugsanlega er mengað, frá löndum eða svæðum þar sem kúariða hefur greinst.

**5. Líkan vegna eftirlits með kúariðu**

Land getur valið að nota allt BSurvE-likanið eða aðra aðferð sem byggist á BSurvE-likaninu til að meta hvort kúariða er fyrir hendi/algengi kúariðu.

**6. Viðhaldseftirlit**

Þegar markmið um stigagjöf hefur náðst og til þess að landið geti áfram haldið stöðu sem land eða svæði þar sem áhættu í tengslum við kúariðu er haldið í skefjum eða þar sem áhætta í tengslum við kúariðu er óveruleg má færa eftirlit niður í eftirlit af tegund B (að því tilskildu að allir aðrir vísar haldist jákvæðir). Til þess að áfram sé farið að kröfunum, sem mælt er fyrir um í þessum kafla, verður núverandi árlegt eftirlit að ná áfram yfir a.m.k. þrjá af fjórum tilskildum undirhópum. Auk þess skal rannsaka alla nautgripi sem grunur leikur á að séu smitaðir af kúariðu án tillits til fjölda uppsafnaðra stiga. Árlegt eftirlit í landi eða á svæði eftir að tilskildu markmið um stigagjöf hefur verið náð, skal ekki vera minna en það magn sem krafist er til að ná einum sjöunda af heildarmarkmiði þess fyrir eftirlit af tegund B.“

2) Í stað V. viðauka komi eftirfarandi:

*V. VIÐAUKI***SÉRSTAKT ÁHÆTTUEFNI****1. Skilgreining á sérstöku áhættuefni**

Eftirfarandi vefir skulu tilgreindir sem sérstakt áhættuefni ef þeir koma úr dýrum sem eru upprunnin í aðildarríki eða þriðja landi eða á einu af svæðum þess þar sem áhættu í tengslum við kúariðu er haldið í skefjum eða áhættan er óskilgreind:

a) að því er varðar nautgripi:

- i. hauskúpa, að undanskildum kjálka en að meðtöldum heila og augum, og mæna úr dýrum eldri en 12 mánaða,
- ii. hryggjarsúla, að undanskildum rófuliðunum, hryggstindar og þvertindar hálsliða, brjóstliða og lendarliða og miðspjaldskambur og spjaldbeinsvængur en að meðtöldum bakrótarhnoðum dýra sem eru eldri en 24 mánaða og



- iii. hálskirtlar, garnir frá skeifugörn til endaparms og garnahengi úr dýrum á öllum aldri,
- b) að því er varðar sauðfé og geitur
  - i. hauskúpa, þ.m.t. heili og augu, hálskirtlar og mæna úr dýrum sem eru eldri en 12 mánaða eða eru komin með varanlega framtönn, sem er komin upp úr gömnum, og
  - ii. milta og dausgörn úr dýrum á öllum aldri.

## 2. Undanþága fyrir aðildarríkin

Þrátt fyrir ákvæði 1. liðar skulu vefir, sem tilgreindir eru í þeim lið og eru upprunnir í aðildarríkjum þar sem áhætta í tengslum við kúariðu er óveruleg, þó áfram teljast sérstök áhættuefni.

## 3. Merking og förgun

Sérstakt áhættuefni skal litað með leysilit eða, eftir því sem við á, merkt á annan hátt um leið og það er fjarlægt og því skal eytt í samræmi við ákvæðin sem mælt er fyrir um í reglugerð (EB) nr. 1774/2002, einkum 2. mgr. 4. gr.

## 4. Fjarlæging sérstaks áhættuefnis

### 4.1. Sérstakt áhættuefni skal fjarlægja:

- a) í sláturhúsum eða, eftir því sem við á, á öðrum stöðum þar sem slátrun fer fram,
- b) í stykkjunarstöðvum þegar um er að ræða hryggjarsúlu úr nautgripum,
- c) eftir því sem við á, í stöðvum fyrir milliefni sem um getur í 10. gr. reglugerðar (EB) nr. 1774/2002 eða hjá notendum og söfnunarstöðvum sem hafa verið leyfðar og skráðar í samræmi við iv., vi. og vii. lið c-liðar í 2. mgr. 23. gr. reglugerðar (EB) nr. 1774/2002.

### 4.2. Þrátt fyrir ákvæði liðar 4.1 má leyfa notkun valkvæðrar prófunar í stað fjarlægingar sérstaks áhættuefnis með eftirfarandi skilyrðum:

- a) prófanirnar skulu fara fram í sláturhúsum á öllum dýrum sem sérstakt áhættuefni er fjarlægt úr,
- b) engin nautgripa-, sauðfjár- eða geitaafurð, sem er ætluð til manneldis eða í fóður, má fara út úr sláturhúsinu fyrr en lögbært yfirvald hefur fengið og samþykkt niðurstöður úr prófunum á öllum slátruðum dýrum sem gætu hafa smitast ef staðfest hefur verið að eitt þeirra sé með kúariðu,
- c) ef valkvæð prófun gefur jákvæðar niðurstöður skal eyðileggja allt efni úr nautgripum, sauðfé og geitum, sem gæti hafa mengast í sláturhúsinu, í samræmi við 3. lið nema unnt sé að bera kennsl á alla hluta skroksins af sýkta dýrinu og halda þeim sér.

### 4.3. Þrátt fyrir ákvæði liðar 4.1 geta aðildarríkin ákveðið að leyfa:

- a) að mæna sauðfjár og geita sé fjarlægð í stykkjunarstöðvum sem hafa til þess sérstakt leyfi,
- b) að hryggjarsúla nautgripa sé fjarlægð úr nautgripaskrokkum eða hlutum þeirra hjá slátrurum sem hafa sérstakt leyfi, eru undir eftirliti og skráðir í þessum tilgangi,
- c) að kjöt sé tekið af haus nautgripa í stykkjunarstöðvum sem hafa til þess sérstakt leyfi í samræmi við ákvæðin sem mælt er fyrir um í 9. lið.

### 4.4. Reglur um fjarlægingu sérstaks áhættuefnis, sem mælt er fyrir um í þessum kafla, skulu ekki gilda um efni í 1. flokki, eins og það er skilgreint í reglugerð (EB) nr. 1774/2002, sem er notað undir eftirliti lögbærra yfirvalda til að fódra tegundir hræfugla sem eru í útrýmingarhættu eða njóta verndar.

**5. Ráðstafanir varðandi vélúrbeinað kjöt**

Þrátt fyrir einstakar ákvarðanir, sem um getur í 2. mgr. 5. gr., og þrátt fyrir 3. mgr. 9. gr. skal vera bannað, í öllum aðildarríkjunum, að nota bein eða kjöt með beini úr nautgripum, sauðfé og geitum til framleiðslu á vélúrbeinuðu kjöti.

**6. Ráðstafanir varðandi sundurtætingu á vefjum**

Þrátt fyrir einstakar ákvarðanir, sem um getur í 2. mgr. 5. gr., og þrátt fyrir 3. mgr. 8. gr. skal bannað, í öllum aðildarríkjunum, þar til öll aðildarríkin eru flokkuð sem lönd þar sem áhætta í tengslum við kúariðu er óveruleg, að tæta sundur miðtaugavefinn í nautgripum, sauðfé og geitum með ilöngu, stafлага verkfæri, sem er stungið inn í kúpuholið eftir deyfingu, þegar kjötið af dýrunum er ætlað til manneldis eða í dýrafóður.

**7. Tungur teknar úr nautgripum**

Tungur úr nautgripum á öllum aldri, sem eru ætlaðar til neyslu eða sem föður, skulu skornar úr í sláturhúsinu með þverskurði trjónulægt (rostral) við tungutind (processus lingualis) tungubeinsgrunnins (basihyoideum).

**8. Kjöt tekið úr haus nautgripa**

8.1. Kjöt úr haus nautgripa, sem eru eldri en 12 mánaða, skal taka úr í sláturhúsi í samræmi við eftirlitskerfi sem lögbært yfirvald hefur samþykkt til að tryggja að komið sé í veg fyrir að mengun berist frá miðtaugavef í kjötið. Kerfið skal a.m.k. ná yfir eftirfarandi ákvæði:

- a) tekja skal fara fram í sérstöku rými sem er algerlega aðskilið frá öðrum hlutum sláturkeðjunnar,
- b) ef hausar eru teknir af færibaldi eða krókum áður en kjöt er tekið úr haus skal loka skotgati á enni og mænugati með ógegndræpum og endingargóðum tappa. Ef sýni eru tekin úr heilastofni til greiningar á rannsóknarstofu vegna kúariðu skal loka mænugatinu tafarlaust eftir sýnatökuna,
- c) ekki skal taka kjöt úr haus dýra ef augun hafa skemmst eða týnst rétt fyrir eða eftir slátrun eða hafa skemmst á annan hátt sem gæti valdið því að mengun berist í hausinn frá miðtaugavef,
- d) ekki skal taka kjöt úr hausum nautgripa sem ekki hafa verið lokaðir nægilega vel, í samræmi við annan undirlið,
- e) með fyrirvara um almennar reglur um hollustuhætti skulu sérstakar starfsleiðbeiningar vera fyrir hendi til að koma í veg fyrir að mengun berist í kjöt í haus meðan á tekju stendur, einkum ef tappinn sem um getur í öðrum undirlið tapast eða augu skemmast meðan á tekju stendur,
- f) sýnatökuáætlun þar sem notuð er viðeigandi rannsóknarstofuprófun til að greina vefi úr miðtaugakerfinu skal vera fyrir hendi til að sannreyna að rétt sé staðið að aðgerðum til að draga úr mengun.

8.2. Þrátt fyrir kröfurnar í lið 8.1 geta aðildarríkin ákveðið að nota annað eftirlitskerfi við að taka kjöt úr haus nautgripa á sláturhúsi, sem leiðir til þess að það dregur á sambærilegan hátt úr hættu á að mengun berist frá miðtaugakerfisvef í kjöt í haus. Sýnatökuáætlun þar sem notuð er viðeigandi rannsóknarstofuprófun til að greina vefi úr miðtaugakerfinu skal vera fyrir hendi til að sannreyna að rétt sé staðið að aðgerðum til að draga úr mengun. Aðildarríki, sem nýta sér þessa undanþágu, skulu tilkynna framkvæmdastjórninni og öðrum aðildarríkjum, innan ramma fastanefndarinnar um matvælaferlið og heilbrigði dýra, um eftirlitskerfi sitt og niðurstöður úr sýnatöku.

8.3. Ef tekja er framkvæmd án þess að haus nautgripa sé fjarlægður af færibaldi eða krókum gilda liðir 8.1 og 8.2 ekki.

**9. Kjöt tekið úr hausum nautgripa í viðurkenndum stykkjunarstöðvum**

Þrátt fyrir 8. lið geta aðildarríkin ákveðið að leyfa að kjöt sé tekið úr hausum nautgripa í stykkjunarstöðvum sem hafa til þess sérstakt leyfi og að því tilskildu að eftirfarandi skilyrði séu uppfyllt:

- a) hausar, sem ætlaðir eru til flutnings til stykkjunarstöðva, skulu hanga á grind á geymslutímabilinu og meðan á flutningi frá sláturhúsinu til stykkjunarstöðvarinnar stendur,

- b) gati eftir skot og mænugati skal lokað á viðeigandi hátt með ógegndræpum og endingargóðum tappa áður en hausinn er fluttur af færibandinu eða krókunum yfir á grindurnar. Ef sýni eru tekin úr heilastofni til greiningar á kúariðu á rannsóknarstofu skal loka mænugatinu samstundis aftur,
- c) hausa, sem ekki hefur verið lokað á viðeigandi hátt í samræmi við b-lið, ef augun hafa skemmst eða týnst rétt fyrir eða eftir slátrun eða skemmst á annan hátt sem gæti valdið því að mengun berist í hausinn frá miðtaugavef, skal undanskilja flutningi til stykkjunarstöðva sem hafa sérstakt leyfi,
- d) sýnatökuáætlun fyrir slátruhús þar sem notuð er viðeigandi rannsóknarstofuprófun til að greina vefi úr miðtaugakerfinu skal vera fyrir hendi til að sannreyna að rétt sé staðið að aðgerðum til að draga úr mengun,
- e) tekja kjöts úr hausum skal framkvæmd í samræmi við eftirlitskerfi sem lögbært yfirvald hefur samþykkt til að koma í veg fyrir hugsanlega mengun kjötsins. Kerfið skal a.m.k. ná yfir eftirfarandi:
  - i. sjónræn skoðun skal fara fram á öllum hausum til að athuga hvort merki séu um mengun eða skemmdir og að þeim hafi verið lokað á viðeigandi hátt áður en byrjað er að taka kjötið,
  - ii. ekki skal taka kjöt úr hausum sem ekki hefur verið lokað á viðeigandi hátt, ef augun hafa skemmst eða ef þeir hafa skemmst á þann hátt sem gæti valdið því að mengun berist í hausinn frá miðtaugavef. Ekki skal taka kjöt úr neinum hausum þar sem grunur leikur á um mengun,
  - iii. með fyrirvara um almennar reglur um hollustuhætti skulu sérstakar starfsleiðbeiningar vera fyrir hendi til að koma í veg fyrir að mengun berist í kjöt í haus meðan á flutningi og tekju stendur, einkum ef tappinn hefur tapast eða augun skemmst meðan á flutningi eða tekju stóð,
- f) sýnatökuáætlun fyrir stykkjunarstöð þar sem notuð er viðeigandi rannsóknarstofuprófun til að greina vefi úr miðtaugakerfinu skal vera fyrir hendi til að sannreyna að rétt sé staðið að aðgerðum til að draga úr mengun.

## 10. Reglur um viðskipti og útflutning

- 10.1. Aðildarríkin geta einungis leyft að hausar eða óskiptir skrokkar, sem innihalda sérstakt áhættuefni, séu sendir til annars aðildarríkis eftir að viðkomandi aðildarríki hefur samþykkt að taka við efninu og samþykkt skilyrðin um sendingu og flutninga.
- 10.2. Þrátt fyrir lið 10.1. er heimilt að senda skrokka, hálf skrokka eða hálf skrokka, sem eru stykkjaðir í allt að þrjá hluta, og fjórðunga sem innihalda ekki sérstakt áhættuefni annað en hryggjarsúlu, þ.m.t. bakrótarhnoða, frá einu aðildarríki til annars án fyrirframsamþykkis þess síðarnefnda.
- 10.3. Banna skal útflutning á hausum og nýju kjöti af nautgripum, sauðfê eða geitum, sem innihalda sérstakt áhættuefni, frá Bandalaginu.

## 11. Eftirlit

- 11.1. Aðildarríkin skulu annast reglulegt opinbert eftirlit til að sannreyna hvort þessum viðauka er beitt rétt og til að tryggja að gerðar séu ráðstafanir til að komast hjá mengun, einkum í slátruhúsum, stykkjunarstöðvum eða á öðrum stöðum þar sem sérstakt áhættuefni er fjarlæggt, s.s. hjá slátrurum eða á starfsstöðvum eins og um getur í c-lið í lið 4.1.
- 11.2. Brynt er að aðildarríkin setji upp kerfi til að tryggja og hafa eftirlit með því að sérstakt áhættuefni sé meðhöndlað og því sé fargað í samræmi við reglugerð (EB) nr. 999/2001 og reglugerð (EB) nr. 1774/2002.
- 11.3. Koma skal upp eftirlitskerfi vegna fjarlægingar hryggjarsúlunnar í samræmi við a-lið 1. liðar. Kerfið skal a.m.k. ná yfir eftirfarandi ráðstafanir:
  - a) ef ekki er gerð krafa um að hryggjarsúlan sé fjarlægð skal merkja skrokka eða stykki af nautgripaskrokkum sem innihalda hryggjarsúlu með blárrí rönd sem sést greinilega á merkimiðanum sem um getur í reglugerð (EB) nr. 1760/2000,

- b) nákvæmum upplýsingum um fjölda nautgripaskrokka eða fjölda stykkja af nautgripaskrokkum, sem gerð er krafa um að hryggjarsúlan sé fjarlægð úr, sem og um þann fjölda, sem ekki er gerð krafa um að hryggjarsúlan sé fjarlægð úr, skal bæta við í viðskiptaskjalið fyrir kjötsendingarnar. Þegar við á skal bæta nákvæmum upplýsingum í skjalið sem um getur í 1. mgr. 2. gr. reglugerðar framkvæmdastjórnarinnar (EB) nr. 136/2004 (\*) ef um er að ræða innflutning.
- c) slátrarar skulu geyma viðskiptaskjalið sem um getur í b-lið í a.m.k. eitt ár.

(\*) Stjtið. ESB L 21, 28.1.2004, bls. 11.“

- 3) Í stað VI. viðauka komi eftirfarandi:

„VI. VIÐAUKI

**AFURÐIR ÚR DÝRARÍKINU SEM ERU FRAMLEIDDAR ÚR EÐA INNIHALDA EFNI ÚR JÓRTURDÝRUM SEM UM GETUR Í 1. MGR. 9. GR.“**

- 4) Eftirfarandi breytingar eru gerðar á VIII. viðauka:

- a) kafla A er breytt sem hér segir:

- i. Í stað fyrirsagnar I. hluta komi eftirfarandi:

„I. Skilyrði sem gilda um sauðfé og geitur og sæði og fósturvísu sem fengnir eru úr þeim“.

- ii. Í stað II. hluta komi eftirfarandi:

„II. Skilyrði sem gilda um nautgripa

Breska konungsríkið skal tryggja að nautgripir fæddir eða aldri á yfirráðasvæði þess fyrir 1. ágúst 1996 séu ekki sendir frá því yfirráðasvæði til annars aðildarríkis eða þriðja lands.“

- b) Í stað kafla C komi eftirfarandi:

„KAFLI C

**Skilyrði fyrir viðskiptum innan Bandalagsins með tiltekna afurðir úr dýraríkinu**

*ÞÁTTUR A*

*Afurðir*

Eftirfarandi afurðir úr dýraríkinu eru undanþegnar banninu sem um getur í 3. mgr. 16. gr., að því tilskildu að þær séu fengnar úr nautgripum, sauðfé eða geitum sem uppfylla kröfur úr þætti B:

- nýtt kjöt,
- hakkað kjöt,
- unnar kjötvörur,
- kjötafurðir.

*ÞÁTTUR B*

*Kröfur*

Afurðirnar sem um getur í A-hluta skulu uppfylla eftirfarandi kröfur:

- a) dýrin, sem nautgripa-, svína- og sauðfjárafurðirnar eru fengnar úr, hafa hvorki verið fóðruð með kjöt- og beinamjöli né hömsum úr jörturdýrum og stóðust skoðun fyrir og eftir slátrun,

- b) dýrunum, sem afurðirnar úr nautgripum, sauðfé og geitum eru fengnar úr, hefur ekki verið slátrað eftir deyfingu með gasi, sem er sprautað inn í kúpuholið, eða þau verið aflífud með sömu aðferð eða þeim verið slátrað með því að tæta miðtaugakerfisvefinn í sundur eftir deyfingu með ílöngu, stafлага verkfæri sem er stungið inn í kúpuholið,
- c) afurðir sem eru úr nautgripum, sauðfé eða geitum eru ekki fengnar úr:
- sérstöku áhættuefni eins og það er skilgreint í V. viðauka,
  - eitla- og taugavefir sem voru óvarðir meðan á úrbeiningu stóð og
  - vélúrbeinað kjöt úr beinum nautgripa, sauðfé eða geitum.“
- 5) Ákvæðum IX. viðauka er breytt sem hér segir:
- a) Kafli A falli brott.
- b) Eftirfarandi komi í stað kafla B, C og D:

„KAFLI B

#### **Innflutningur nautgripa**

*ÞÁTTUR A*

##### ***Innflutningur frá landi eða svæði þar sem áhætta í tengslum við kúariðu er óveruleg***

Innflutningur nautgripa frá landi eða svæði þar sem áhætta í tengslum við kúariðu er óveruleg skal háður framvísun dýraheilbrigðisvottorðs þar sem vottað er:

- að dýrin voru fædd og síðan alin frá burði í landi eða á svæði sem er flokkað, í samræmi við 2. mgr. 5. gr. reglugerðar (EB) nr. 999/2001, sem land eða svæði þar sem áhætta í tengslum við kúariðu er óveruleg,
- að dýrin eru auðkennd samkvæmt varanlegu auðkenningarkerfi, sem gerir kleift að rekja feril þeirra til móður og upprunahjarðar, og teljast ekki óvarðir nautgripir eins og lýst er í iv. lið b-liðar í 4. lið I. hluta kafla C í II. viðauka og
- ef tilvik innlendrar kúariðu hafa komið upp í viðkomandi landi, að dýrin voru fædd eftir þann dag sem farið var að framfylgja banni við föðrun jörturdýra á kjöt- og beinamjöli og hömsum úr jörturdýrum með skilvirkum hætti eða eftir þann dag sem síðasta tilvik innlendrar kúariðu kom fram ef það er fætt eftir dagsetningu föðurbanssins.

*ÞÁTTUR B*

##### ***Innflutningur frá landi eða svæði þar sem áhætta í tengslum við kúariðu er haldið í skefjum***

Innflutningur nautgripa frá landi eða svæði, þar sem áhætta í tengslum við kúariðu er haldið í skefjum, skal háður framvísun dýraheilbrigðisvottorðs þar sem vottað er:

- að landið eða svæðið er flokkað, í samræmi við 2. mgr. 5. gr. reglugerðar (EB) nr. 999/2001, sem land eða svæði þar sem áhætta í tengslum við kúariðu er haldið í skefjum,
- að dýrin eru auðkennd samkvæmt varanlegu auðkenningarkerfi, sem gerir kleift að rekja feril þeirra til móður og upprunahjarðar, og teljast ekki óvarðir nautgripir eins og lýst er í iv. lið b-liðar í 4. lið II. hluta kafla C í II. viðauka,
- að dýrin voru fædd eftir þann dag sem farið var að framfylgja banni við föðrun jörturdýra á kjöt- og beinamjöli og hömsum úr jörturdýrum með skilvirkum hætti eða eftir þann dag sem síðasta tilvik innlendrar kúariðu kom fram er fætt ef það er fætt eftir dagsetningu föðrunarbanssins.

*ÞÁTTUR C****Innflutningur frá landi eða svæði þar sem áhætta í tengslum við kúariðu er óskilgreind***

Innflutningur nautgripa frá landi eða svæði, þar sem áhætta í tengslum við kúariðu er óskilgreind, skal háður framvísun dýraheilbrigðisvottorðs þar sem vottað er:

- a) að landið eða svæðið hefur ekki verið flokkað í samræmi við 2. mgr. 5. gr. reglugerðar (EB) nr. 999/2001 eða hefur verið flokkað sem land eða svæði þar sem áhætta í tengslum við kúariðu er óskilgreind,
- b) að dýrin eru auðkennd samkvæmt varanlegu auðkenningarkerfi, sem gerir kleift að rekja feril þeirra til móður og upprunahjarðar, og teljast ekki óvarðir nautgripir eins og lýst er í iv. lið b-liðar í 4. lið II. hluta kafla C í II. viðauka og
- c) að dýrin voru fædd a.m.k. tveimur árum eftir þann dag sem farið var að framfylgja banni við föðrun jörturdýra á kjöt- og beinamjöli og hömsum úr jörturdýrum með skilvirkum hætti eða eftir þann dag sem síðasta tilvik innlendrar kúariðu kom fram ef það er fætt eftir dagsetningu föðrunarbannsins.

## KAFLI C

***Innflutningur afurða úr dýraríkinu úr nautgripum, sauðfé eða geitum****ÞÁTTUR A***Afurðir**

Eftirfarandi afurðir úr nautgripum, sauðfé og geitum, eins og þær eru skilgreindar í reglugerð Evrópuþingsins og ráðsins (EB) nr. 853/2004 (\*), sem koma fram hér á eftir, skulu falla undir þau skilyrði sem mælt er fyrir um í þætti B, C og D eftir því hvaða áhættuflokk upprunalandið fellur undir í tengslum við kúariðu:

- nýtt kjöt,
- hakkað kjöt og unnar kjötvörur,
- kjötafurðir,
- brædd dýrafita,
- hamsar og
- gelatín.

*ÞÁTTUR B****Innflutningur frá landi eða svæði þar sem áhætta í tengslum við kúariðu er óveruleg***

Innflutningur afurða úr nautgripum, sauðfé og geitum, sem um getur í þætti A, frá landi eða svæði þar sem áhætta í tengslum við kúariðu er óveruleg, skal háður framvísun dýraheilbrigðisvottorðs þar sem vottað er:

- a) að landið eða svæðið er flokkað, í samræmi við 2. mgr. 5. gr. reglugerðar (EB) nr. 999/2001, sem land eða svæði þar sem áhætta í tengslum við kúariðu er óveruleg,
- b) að dýrin, sem nautgripa-, svína- og sauðfjárafurðirnar eru fengnar úr, voru fædd og síðan alin frá burði og slátrað í landi þar sem áhætta í tengslum við kúariðu er óveruleg og stóðust skoðun fyrir og eftir slátrun,
- c) ef tilvik innlendrar kúariðu hafa komið upp í landinu eða á svæðinu:
  - i. að dýrin voru fædd eftir þann dag sem bann um föðrun á kjöt- og beinamjöli og hömsum úr jörturdýrum kom til framkvæmda eða

- ii. að afurðir úr nautgripum, sauðfé og geitum innihalda ekki og eru ekki framleiddar úr sérstöku áhættuefni eins og það er skilgreint í V. viðauka við reglugerð (EB) nr. 999/2001 eða vélúrbeinuðu kjöti sem fengið er úr beinum úr nautgripum, sauðfé eða geitum.

#### *ÞÁTTUR C*

##### ***Innflutningur frá landi eða svæði þar sem áhættu í tengslum við kúariðu er haldið í skefjum***

1. Innflutningur afurða úr nautgripum, sauðfé og geitum, sem um getur í þætti A, frá landi eða svæði þar sem áhættu í tengslum við kúariðu er haldið í skefjum, skal háður framvísun dýraheilbrigðisvottorðs þar sem vottað er:
  - a) að landið eða svæðið er flokkað, í samræmi við 2. mgr. 5. gr. reglugerðar (EB) nr. 999/2001, sem land eða svæði þar sem áhættu í tengslum við kúariðu er haldið í skefjum,
  - b) að dýrin, sem nautgripa-, svína- og sauðfjárafurðirnar eru fengnar úr, stóðust skoðun fyrir og eftir slátrun,
  - c) að dýrunum, sem afurðir úr nautgripum, sauðfé og geitum eru unnar úr og ætlaðar eru til útflutnings, hefur ekki verið slátrað eftir deyfingu með gasi, sem er sprautað inn í kúpuholið, eða þau verið aflífuð með sömu aðferð eða þeim verið slátrað með því að tæta miðtaugakerfisvefinn í sundur eftir deyfingu með ilöngu, stafлага verkfæri sem er stungið inn í kúpuholið,
  - d) að afurðir úr nautgripum, sauðfé og geitum innihalda ekki og eru ekki framleiddar úr sérstöku áhættuefni eins og það er skilgreint í V. viðauka við reglugerð (EB) nr. 999/2001 eða vélúrbeinuðu kjöti sem fengið er úr beinum úr nautgripum, sauðfé og geitum.
2. Þrátt fyrir d-lið 1. liðar er heimilt að flytja inn skrokka, hálf skrokka eða hálf skrokka, sem eru stykkjaðir í allt að þrjá hluta, og fjórðunga sem innihalda ekki sérstakt áhættuefni annað en hryggjarsúlu, þ.m.t. bakrótarhnoði.
3. Ef ekki er gerð krafa um að hryggjarsúlan sé fjarlægð skal merkja skrokka eða stykki af nautgripaskrokkum sem innihalda hryggjarsúlu með blárrí rönd sem sést greinilega á merkimiðanum sem um getur í reglugerð (EB) nr. 1760/2000.
4. Upplýsingum um fjölda nautgripaskrokka eða fjölda stykkja af nautgripaskrokkum, sem gerð er krafa um að hryggjarsúlan sé fjarlægð úr, ásamt fjölda þeirra sem ekki þarf að fjarlægja hryggjarsúluna úr, skal bæta við í viðskiptaskjalið sem um getur í 1. mgr. 2. gr. reglugerðar (EB) nr. 136/2004 þegar um er að ræða innflutning.

#### *ÞÁTTUR D*

##### ***Innflutningur frá landi eða svæði þar sem áhættu í tengslum við kúariðu er óskilgreind***

1. Innflutningur afurða úr nautgripum, sauðfé og geitum, sem um getur í þætti A, frá landi eða svæði, þar sem áhættu í tengslum við kúariðu er óskilgreind, skal háður framvísun dýraheilbrigðisvottorðs þar sem vottað er:
  - a) að dýrin, sem nautgripa-, svína- og sauðfjárafurðirnar eru fengnar úr, hafa hvorki verið fóðruð með kjöt- og beinamjöli né hömsum úr jörturdýrum og stóðust skoðun fyrir og eftir slátrun,
  - b) að dýrunum, sem afurðir úr nautgripum, sauðfé og geitum eru unnar úr, hefur ekki verið slátrað eftir deyfingu með gasi, sem er sprautað inn í kúpuholið, eða þau verið aflífuð með sömu aðferð eða þeim verið slátrað með því að tæta miðtaugakerfisvefinn í sundur eftir deyfingu með ilöngu, stafлага verkfæri sem er stungið inn í kúpuholið,
  - c) að afurðir úr nautgripum, sauðfé og geitum eru ekki fengnar úr:
    - i. sérstöku áhættuefni eins og það er skilgreint í V. viðauka,
    - ii. eitla- og taugavefjum sem voru óvarðir meðan á úrbeiningu stóð,
    - iii. vélúrbeinuðu kjöti úr beinum nautgripa, sauðfé eða geita.

2. Þrátt fyrir c-lið 1. liðar er heimilt að flytja inn skrokka, hálf skrokka eða hálf skrokka, sem eru stykkjaðir í allt að þrjá hluta, og fjórðunga sem innihalda ekki sérstakt áhættuefni annað en hryggjarsúlu, þ.m.t. bakrótarhnoði.
3. Ef ekki er gerð krafa um að hryggjarsúlan sé fjarlægð skal merkja skrokka eða stykki af nautgripaskrokkum sem innihalda hryggjarsúlu með blárri rönd sem sést greinilega á merkimiðanum sem um getur í reglugerð (EB) nr. 1760/2000.
4. Nákvæmum upplýsingum um fjölda nautgripaskrokka eða fjölda stykkja af nautgripaskrokkum, sem gerð er krafa um að hryggjarsúlan sé fjarlægð úr, sem og þann fjölda sem ekki þarf að fjarlægja hryggjarsúluna úr, skal bæta við í viðskiptaskjalið sem um getur í 1. mgr. 2. gr. reglugerðar (EB) nr. 136/2004 ef um er að ræða innflutning.

#### KAFLI D

#### **Innflutningur á aukaafurðum úr dýrum og unnum afurðum úr þeim sem fást úr nautgripum, sauðfé eða geitum**

#### *ÞÁTTUR A*

#### *Aukaafurðir úr dýrum*

Þessi kafli gildir um eftirfarandi aukaafurðir úr dýrum og unnar afurðir úr þeim sem fást úr nautgripum, sauðfé og geitum eins og um getur í reglugerð (EB) nr. 1774/2002:

- brædda fitu,
- gæludýraföður,
- blóðaafurðir,
- unnið dýrapróttín,
- bein og beinaafurðir,
- efni í 3. flokki og
- gelatín.

#### *ÞÁTTUR B*

Innflutningur aukaafurða úr dýrum og unninna afurða úr þeim, sem fást úr nautgripum, sauðfé og geitum sem um getur í þætti A, skal háður framvísun dýraheilbrigðisvottorðs þar sem vottað er:

- a) að aukaafurðirnar úr dýrum innihalda ekki og eru ekki framleiddar úr sérstöku áhættuefni eins og það er skilgreint í V. viðauka eða vélúrbeinuðu kjöti sem fengið er úr beinum úr nautgripum, sauðfé og geitum,
- b) að dýrunum, sem þessar aukaafurðir eru unnar úr, hefur ekki verið slátrað eftir deyfingu með gasi, sem er sprautað inn í kúpuholið, eða þau verið aflífuð með sömu aðferð eða þeim verið slátrað með því að tæta miðtaugakerfisvefinn í sundur eftir deyfingu með ilöngu, staflaga verkfæri sem er stungið inn í kúpuholið,  
  
eða
- c) að aukaafurðirnar úr dýrum innihalda ekki og eru ekki fengnar úr efni úr nautgripum, sauðfé og geitum, öðru en því sem fengið er úr dýrum sem voru fædd og síðan alin frá burði í landi eða á svæði sem er flokkað, í samræmi við 2. mgr. 5. gr. reglugerðar (EB) nr. 999/2001, sem land eða svæði þar sem áhætta í tengslum við kúariðu er óveruleg.

(\*) Stjtið. ESB L 139, 30.4.2004, bls. 55, leiðrétt í Stjtið. ESB L 226, 25.6.2004, bls. 22.“



- c) Í stað kafla F komi eftirfarandi:

„KAFLI F

**Innflutningur afurða úr dýraríkinu úr öldum og villtum hjartardýrum**

1. Þegar nýtt kjöt, hakkað kjöt, unnar kjötvörur og kjötafurðir, eins og það er skilgreint í reglugerð (EB) nr. 853/2004, sem fengið er úr öldum hjartardýrum, er flutt inn í Bandalagið frá Kanada eða Bandaríkjunum Norður-Ameríku skal svohljóðandi yfirlýsing, undirrituð af lögbæru yfirvaldi í framleiðslulandinu, fylgja heilbrigðisvottorðinu:

„Þessi afurð inniheldur eða er eingöngu framleidd úr kjöti, að undanskildum innmat og mænu, af öldum hjartardýrum sem hafa verið rannsökuð með tilliti til hjartariðu með vefjameinafræðilegri aðferð, mótéfnalitun vefja eða annarri greiningaraðferð, sem viðurkennd er af lögbæru yfirvaldi, með neikvæðum niðurstöðum og hún er ekki framleidd úr kjöti af dýrum sem koma úr hjörð þar sem hjartariða hefur verið staðfest eða opinber grunur leikur á að séu sýkt.“

2. Þegar nýtt kjöt, hakkað kjöt, unnar kjötvörur og kjötafurðir, eins og það er skilgreint í reglugerð (EB) nr. 853/2004, sem fengið er úr villtum hjartardýrum, er flutt inn í Bandalagið frá Kanada eða Bandaríkjunum Norður-Ameríku skal svohljóðandi yfirlýsing, undirrituð af lögbæru yfirvaldi í framleiðslulandinu, fylgja heilbrigðisvottorðinu:

„Þessi afurð inniheldur eða er eingöngu framleidd úr kjöti, að undanskildum innmat og mænu, af villtum hjartardýrum sem hafa verið rannsökuð með tilliti til hjartariðu með vefjameinafræðilegri aðferð, mótéfnalitun vefja eða annarri greiningaraðferð, sem viðurkennd er af lögbæru yfirvaldi, með neikvæðum niðurstöðum og hún er ekki framleidd úr kjöti af dýrum sem koma úr hjörð þar sem hjartariða hefur verið staðfest eða opinber grunur leikur á að séu sýkt.“

- d) Kafli G falli brott.

- 6) XI. viðauki falli brott.
-